



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Henrici || Svsonis Viri Sanctita-||te, Ervditione Et
Mi-||racvlis Clari, Opera**

Seuse, Heinrich

Coloniae, 1615

Vt animæ inficiantur peccato originali, & de querimonia & comminatione
Dei aduersus Ecclesiam in omni statu corruptam. Capvt IV.

urn:nbn:de:hbz:466:1-38029

res seruari. D. Longe pauciores sanè, quam hoc periculoso seculo Christiani persuasum habeant.

H. Equidem spero Domine, modò Ecclesia sua agnosceret vitia & errata, neuiquam ea admitturam esse. D. Nihil hoc eos excusat. Quisquis enim id ætatis attingit, vt rationis compos sit, is cuncta Christianæ religionis instituta & decreta nôsse & seruare obligatus est. H. Reuerà Domine, vt presens sese tempus habet, tremendum est valde quod ais. D. Quin ipse iam videas oportet, quibus periculis Ecclesia obuoluta est, vtque hac tempestate viuant Christiani omnes contra leges, constitutiones & decreta omnia, diuini timoris prorsus immemores & expertes. H. Si id abs te impetrare licet, obsecro Domine, ne mihi hæc videre contingat. Nam alioqui tot & tanta iam noui, vt quoties horum mihi subit cogitatio, vt vires omnes amittam.

D. Videas ea necesse est: neque stolidos modo & fatuos conspicias, sed etiam eos, qui virtutis aliquam speciem præ se ferunt, & sunt bona præditi voluntate, vt ij irretiti sint, & quibus adhuc distineantur ne vltra procedant. H. Fiat Domine in omnibus ita vt vis.

Et anima inficiantur peccato originali, & de querimonia & comminatione Dei aduersus Ecclesiam in omni statu corruptam.

CAPVT IV.

Age iam adspice oculis internis, vbinam sis. Sub his verbis perspexit homo iste procul

Adque homo
rationis cō-
pos cognof-
cenda & ser-
uanda obli-
getur.

cul se abductum in vallem quandam, ad montem immanis ac horrendæ celsitudinis, qui cacumine cælum contingere videretur. In ipso autem monte ingentes ac præcelsas vidit rupes alias alijs sublimiores, idque ad montis vultum, & in harum singulis homines dormabant. Simul etiam formas quasdam elegantissimas grandi numero è summo in terram usque delabi adspexit, quæ ubi terram attingissent, instar carbonum nigræ officiebantur, cum tamen quamdiu in monte fuissent, tantum nitent splendore ac pulchritudine, ut vix eas aciem posset intendere. Ait ergo ad Deum: Quid sibi vult res isthæc mira Domine Deus?

D. Formas istas tanto nitentes decore, & claras esse noueris animas, à Deo ad ipsius imaginem & similitudinem creatas: quæ postea à sua origine vel principio prodire, ubi nunc minx conceperint & corpora in earum vultibus formata sunt, quemadmodum naturæ ordo habet & diuinitus constitutum est, compositum à Deo ipsis corporibus infunduntur, moxq; originalis peccati macula foedantur.

H. Quid igitur mons iste sublimis & immanis, quid item rupes terribiles ac immanes voluit? D. Etsi non hac vice, tamen quandoque adhuc ipsemet videas oportet, quanto in delicto crimine tota Ecclesia & mortales omnes constituti, paucis tamen exceptis, vix hisce corporibus cuncta Ecclesiæ instituta & decreta pessum ierint atque neglecti habeantur, quam denique pauci hodie reperiantur, qui Deum in honorem spectent & aucupentur. Deinde

ata etiam fuere isti homini vitia quædam occulta admodum, quæ ob hominum imbecillitatem ac in mala procliuatatem, non fuit auctus scripro exprimere: quæ quidem vehemensissime eum perterruerunt, tantaque eum cepit hominum errantium miseratio, vt ingens eum occuparet dolor & angustia, & lachrymarum imbres profunderet, atque aded debilis redderetur, vt se moriturum putaret. Redditus deinde sibiipso, occulta quædam diuinitus ei virtus siue robur collatum est: atque ita surgens, in modum crucis humi se prostrauit, & exiitque ad Dominum: Amantissime ac merendissime DEVS, si quidem tuæ esset gratum voluntati, libens hodie cor, animam & corpus pro Ecclesia exponerem, vt illius mi misereri dignareris, eaque in melius sese reformaret.

D. Et quid tua mors profuisse queat, quando ego ipse totum sanguinem meum profudi, & turpissimam excepi mortem, neque tamen fructum aliquem, aut certè perexiguum id referret in huius æui hominibus? Iam enim tuus oblitus sunt mortales penè omnes, & tantum impie iurando ac blasphemando eam commemorant.

H. Per acerbissimam mortem tuam DEVS benignissime miserere Ecclesiæ tuæ. D. Et qua tandem ratione isthæc dissimulare aut perpeti potero? Tu ipse iam vidisti, quàm dissolutè, quam periculosè & absque vlllo DEI timore vitam exigant suam. H. Spero Domine adhuc permultis verum DEI inesse timorem.

D. Quisquis DEI timorem habet, nihil
facit

facit contra Deum. At nunc Christianæ religionis instituta & sanctiones contempti habentur ab eis. Quorū quisque (oro) sic viuit hodie, vt est primitus institutum? H. Clemens sine Deo, miserere sanctæ Ecclesiæ tuæ. D. Pro Ecclesia quidem sancta precaris. Sed dic tandem, qua sanctitate præditi sunt, qui nunc Ecclesia numerantur. Adspice tum clericos tum laicos. Equidem ad summos & præcipuos te remittam.

De summis Pontificibus.

CAPVT V.

DIC mihi, iam multis annis quot summos Pontifices in diuorum numerum referri vidisti, vt solebant olim, quando in sanctissimos coram Deo euadebant? H. Quid causæ est Domine DEVS, cur minus id fiat?

Cura summorum pontificum olim quæ quantaque.

D. Summi Præsules superiorum temporum, qui sanctorum catalogo ascribebantur, longe aliam, atque isti hodie, ducebant vitam. Olim summa eos tenebat cura & sollicitudo, vt bonis omnibus tam spiritualibus quàm corporalibus, quæ quidem habere potuissent, S. Ecclesiæ consulere ac opitularentur, erantque omnino priuati amoris & propriæ quæstionis expertes, & in cunctis actionibus ac omissionibus suis Dei honorem præcipue spectabant. Nequaquam tum ad cognatos & amicos, nequa ad diuitias vel honores respiciebant. Omnes conatus & actiones suas tota animi intentione in Deum